



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀԱԿԱՆ ԵՎ
ԱՇԽԱՏԱՆՔԻ ՏԵՍՉԱԿԱՆ ՄԱՐՄԻՆ

ՂԵԿԱՎԱՐԻ ՏԵՂԱԿԱԼ

N 04/4997-2024

«11» 03 2024թ.

ՀՀ, 0046, ք. Երևան, Շենգավիթ, Արարատյան 26

☎ (374-10) 65-05-53

Էլ. փոստ՝ info@hlib.am

ՈՐՈՇՈՒՄ

ՎԱՐՉԱԿԱՆ ՎԱՐՈՒՅԹԸ ԿԱՍԵՑՆԵԼՈՒ ՄԱՍԻՆ

Հիմք ընդունելով «Վարչարարության հիմունքների և վարչական վարույթի մասին» օրենքի 73-րդ հոդվածի 1-ին մասը և հաշվի առնելով 2024 թվականի փետրվարի 13-ին ՀՀ առողջապահական և աշխատանքի տեսչական մարմին (այսուհետ՝ Տեսչական մարմին) մուտքագրված «Դուստր Մոնիկա» ՍՊ ընկերության ներկայացուցիչ Անահիտ Բասենցյանի (այսուհետ նաև՝ Բողոքաբեր) վարչական բողոքը 2024 թվականի հունվարի 12-ի թիվ 23110658 ստուգման ակտի 3-րդ և 4-րդ կետերի (այսուհետ՝ Ստուգման ակտ) իրավաչափությունը ստուգելու նպատակով՝ Տեսչական մարմնում 2024 թվականի փետրվարի 13-ին հարուցվել է բողոքարկման վարույթ:

Բողոքարկման վարույթի ընթացքում Տեսչական մարմնի կողմից 2024 թվականի փետրվարի 26-ին նշանակվել է լսում, որի օրվա և ժամանակի մասին «Դուստր Մոնիկա» ՍՊ ընկերության ներկայացուցիչը պատշաճ չի ծանուցվել:

Տեսչական մարմնի կողմից 2024 թվականի մարտի 05-ին նշանակվել է ևս մեկ լսում, ինչի մասին ծանուցումներ են ուղարկվել Անահիտ Բասենցյանի էլեկտրոնային փոստին, «Դուստր Մոնիկա» ՍՊ ընկերության տնօրեն Սերժիկ Բասենցյանի ինչպես բնակության և աշխատանքի վայրի հասցեներով, այնպես էլ վերջինիս էլեկտրոնային փոստին, սակայն վերջիններս կրկին պատշաճ չեն ծանուցվել:

Սահմանադրության 50-րդ հոդվածի 3-րդ մասի համաձայն՝ պետական և տեղական ինքնակառավարման մարմիններն ու պաշտոնատար անձինք պարտավոր են

մինչև անձի համար միջամտող անհատական ակտն ընդունելը լսել նրան, բացառությամբ օրենքով սահմանված դեպքերի:

«Վարչարարության հիմունքների և վարչական վարույթի մասին» օրենքի 38-րդ հոդվածի 1-ին մասի համաձայն՝ վարչական մարմինը վարչական վարույթի ընթացքում պարտավոր է վարույթի մասնակիցներին և նրանց ներկայացուցիչներին հնարավորություն տալ արտահայտվելու վարչական վարույթում քննարկվող փաստական հանգամանքների վերաբերյալ:

Վերոնշյալ իրավական նորմերը հիմք ընդունելով՝ պետք է արձանագրել, որ վարչական վարույթի ընթացքում վարչական մարմինը պարտավոր է ապահովել կողմի լաված լինելու իրավունքը՝ պատշաճ վարչարարություն իրականացնելու նպատակով:

«Վարչարարության հիմունքների և վարչական վարույթի մասին» օրենքի 49-րդ հոդվածի 1-ին մասի համաձայն՝ «Վարչական վարույթի առավելագույն ժամկետը 30 օր է: Օրենքով կարող են սահմանվել հատուկ՝ 30 օրից կարճ կամ ավելի երկար ժամկետներ»:

Սույն դեպքում վերադաս բողոքի հիման վրա Տեսչական մարմնում բողոքարկման վարույթը հարուցվել է 2024 թվականի փետրվարի 13-ին, ուստի բողոքարկման վարույթի ժամկետ ավարտվում է 2024 թվականի մարտի 13-ին:

Համաձայն «Վարչարարության հիմունքների և վարչական վարույթի մասին» օրենքի 49-րդ հոդվածի 1-ին մասի «բ» կետի՝ վարչական մարմինը պարտավոր է կասեցնել վարչական վարույթը, եթե վարույթին չի ներկայացել վարչական ակտի հասցեատերը, իսկ օրենքը բացառում է առանց նրա ներկայության համապատասխան վարչական ակտ ընդունելը:

Նույն հոդվածի 3-րդ մասի համաձայն՝ սույն հոդվածի 1-ին մասի «բ» կետով, նախատեսված դեպքում վարչական վարույթը վերսկսվում է դրա կասեցման հիմք դարձած հանգամանքները վերանալուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և հաշվի առնելով այն հանգամանքը, որ բողոքարկման վարույթի ընթացքում վարչական վարույթի հասցեատերը չի ներկայացել վարչական վարույթի ընթացքում կազմակերպված լսումներին և հիմք ընդունելով «Վարչարարության հիմունքների և վարչական վարույթի մասին» օրենքի 49-րդ հոդվածի


1-ին մասի «բ» կետը, նույն հոդվածի 3-րդ և 4-րդ մասերը և ՀՀ վարչապետի 2018 թվականի հունիսի 11-ի N 755-Լ որոշմամբ հաստատված ՀՀ առողջապահական և աշխատանքի տեսչական մարմնի կանոնադրության 19-րդ կետի 13-րդ ենթակետը և Տեսչական մարմնի ղեկավարի 2020 թվականի հուլիսի 17-ի թիվ 1879-Ա հրամանով՝

ՈՐՈՇԵՑԻ

1. 2024 թվականի փետրվարի 13-ին հարուցված վարչական (քողոքարկման) վարույթի ժամկետը կասեցնել 60 օր ժամկետով:

2. Սույն որոշումը ծանուցել «Դուստր Մոնիկա» ՍՊ ընկերության տնօրեն Սերժիկ Բասենցյանին (հասցե՝ ք. Երևան, Նոր Նորքի 7-րդ զանգված, 41 շենք, 7 բն, ք.Երևան, Նոր Նորքի 9-րդ զանգված, 22 շենք, բն. 46, էլ. հասցե՝ boris.kocharyan@taccount.am), «Դուստր Մոնիկա» ՍՊ ընկերության ներկայացուցիչ Անահիտ Բասենցյանին (էլ.փոստ՝ basentsyan.anahit@gmail.com):

 Восстановимая подпись

X 

ԱՆՆԱ ՄԿՐՏՈՒՄՅԱՆ

Подписано: MKRTUMYAN ANNA 5109850224

ԱՆՆԱ ՄԿՐՏՈՒՄՅԱՆ